



Universitätsbibliothek Paderborn

Antidota Apostolica contra nostri temporis hæreses

In quibus Loca illa explicantur, quæ Hæreticj hodie (maximè Caluinus & Beza) vel ad sua placita stabilienda, vel ad Catholicæ Ecclesiæ dogmata infirmanda ...

In Acta Apostolorum to. primus

Stapleton, Thomas

Antverpiæ, 1595

27. Misimus ergo Iudam & Silam, qui & ipsi vobis verbis referent eadem.

urn:nbn:de:hbz:466:1-39424

aliorum Pastorum docendi officium sibi
sumere, origo & fons omnium hæresum
est.

27. *Misimus ergo Iudam & Silam, qui & ipsi vo-
bis verbis referrent eadem.*

Alterum hoc est in literis Apostolicis
notandum, quòd mittunt suo decreto
ad alias Ecclesias Iudam & Silam, *qui verbis
referrent eadem*, id est, qui ipsum Apostolicum
decre tum tradant, & eius sententiam expo-
nant; non qui Concilij decretum exami-
nent; aut alijs examinandum relinquant.
Scribit Martinus Chemnitius, ut suum exa-
men quod de Concilij Tridentini decretis
superbissimus Censor fecit, aliquo honesto
fusco coloraret, ideo Iudam & Silā cum de-
cretis Apostolicæ Synodi missos fuisse ad
Ecclesiam Antiochenam, *ut dogmatum illor-
um rationes redderent, & verbo Dei confirmaret.*
Ita enim (inquit) *Ecclesia certa reddi ur, se non
hominum placita, sed ipsius Spiritus Sæcti iudicium
amplecti & sequi.* Atqui mandati Apostolici,
quod Iudas & Silas acceperunt, fines hi
erant, *ut verbis referrent eadem*: quos fines il-
los excessisse, nec Lucas in sequentibus me-
morat, nec vlllo modo credendum est. Ait
quidem postea Lucas, Iudam & Silam, *quorum
Prophetae essent, verbo plurimo consolatos esse fra-
tres & confirmasse*; nempe fratres ipsos con-
firmaverunt, non ipsum Concilij decretum.

Fratres

In Epist.
dedic. 2.
part. Ex-
am. ad
March.
Brandeb.

Chemni-
tius Exa-
minis sui
arrogan-
tiam fru-
stra tue-
tur.

Concilij
Apostoli-
ca decre-
tum ex se
& per se
validum
& inrefra-
gabile.

Fratres multo verbo consolati sunt, & plu-
ribus fortè allatis argumentis in fide confir-
marunt; sed iussu decreto Apostolico nullas
illi vires addiderunt; ab eo vel latum vn-
guem recedendi nullam libertatem acce-
perunt; qualem sibi arrogavit Chemnitius,
singulos Concilij Tridentini Canones ad
Scripturas prout ipsi placet ac videtur in-
rellectas, id est, ad suum ipsius iudicium ac
cerebrum, examinans; & ab eis omnibus,
quoties & quârum libebat, licentia Luth-
erana recedens. Deinde, Antiochena Eccle-
sia quomodo certior fieri potuisset, se non
hominum placita sed Spiritus S. iudicium
sequi per explicationem, examen, probatio-
nem, à Iudæ & Silâ prolatam, quàm per de-
cretum & iudicium Apostolorum ipsorum?
An aliquid certius hi fratres adferre potue-
runt, quàm Apostoli & Seniores Hieroso-
lymis attulerunt? Denique aut Apostoli &
Seniores iam ex verbo Dei suum decretum
firmauerant, & ita certissima iam fuit red-
dita Ecclesia se non hominum placita sed
Spiritus S. iudicium sequi, nec amplius res
in examen vocandæ erât; aut non ex verbo
Dei decretum suum conceperant, & sic nec
firmum illud esset iuxta horum temporum
hæreticos, nec iam Apostolicum decretum,
sed Iudæ ac Silæ facta ex verbo Dei expli-
catio, Antiochenam Ecclesiam in hac tam
gravi quæstione pacatam ac certam reddi-
dit; &

dit; & quod in fide controuersum erat, definiuit; pessimeque Paulus postea & Barnabas, quum Ecclesias perambularent, *dēce-* AA. 16.
bant eos seruare & custodire dogmata quæ erāt decreta ab Apostolis & Senioribus qui erāt Hierosolymis. Tenendum igitur firmissimè, decretum Apostolorum & Seniorum quomodo-
 cumque emanatum, siue ex verbo Dei scripto, siue nō, sic ad alias postea Ecclesias perlatum fuisse, siue per Iudam & Silam, siue per Paulum & Barnabam, siue per alios in Historia Apostolica non nominatos, ut nullus amplius de illo decreto disputandi, nullus examinandi locus relinqueretur; sed plenam & irrefragabilem in quæstione fidei controuersa definiendi ac determinandi potestatem penes Apostolos & Presbyteros fuisse. Eadem vis & autoritas omnium Conciliorum œcumenicorum decretis indubitanter tribuenda est.

28. *Visum est enim Spiritui Sancto & nobis.*

DVo obseruatione dignissima docet hic locus. Primum, definitionem hanc Apostolicam nō ex aliquo scripto Dei verbo, sed ex instinctu Spiritus S. promanasse: deinde, quanti habenda sit Ecclesiæ defini-
 nientis autoritas. Petri sententia ac definitio de tota re controuersa, (ut de priori prius agamus) ex scripto Dei verbo nihil protulit, sed partim ex ipsa diuina gratiæ Definitio Apostolica absque scripto Dei verbo facta.
 operatio-